

I va liber cun «l'emprendissadi...»

49 emprendistas ed emprendists tar l'Ems-Chemie AG

■ (cp) Ils 3 d'avust 2020 han 49 giuvenils mirveglius cumenzà lur emprendissadi tar l'Ems-Chemie AG a Domat e cun quel ina nova fasa da la vita. Las emprendistas ed ils emprendists han mussà lur plaschair da cumenzar in emprendissadi interessant ed instructiv tar in manaschi ch'è vegnì undrà da curt sco in dals megliers manaschis d'emprendissadi en Svizra. Ils 3 d'avust han cumenzà 49 giuvenils lur emprendissadi tar l'Ems-Chemie AG en 15 differentas professiuns d'emprendissadi. Vanessa Clavadetscher, manadra da la furmaziun professiunala tar l'EMS, ha beneventà cordialmain ils giuvenils a lur emprim di da lavur tar l'Ems-Chemie AG. In sguard en lur eglis plain spetgas ha mussà las grondas mirveglias avant ils emprims pass en la vita professiunala pratica.

Emprendissadi progressiv

A moda pratica ha era cumenzà l'emprim di tar l'EMS, numnadain cun l'introducziun «Fit per l'emprendissadi tar l'EMS» cun differentas infurmaziuns davart il manaschi e cun blers tips utils per l'emprendissadi. En lavurs en gruppa e rundas da discussiun han ils emprendists d'ina vart gì la chaschun d'emprender d'enconuscher in l'auter. Da l'autra vart han els survegnì ulteriuras infurmaziuns davart las pussaivladads e schanzas da la furmaziun professiunala progressiva tar l'EMS che permetta praticums da plirs mais a l'exteriur, curs da lingua u sis emnas vacanzas. «Finalmain poss jau cumenzar mes emprendissadi tar l'EMS! Jau ma legrel fitg dad ussa pudair emprender d'enconuscher il mintgadi da lavur, però era da far novas amicizias», traglischa *Mattia Fortebuono*, nov emprendist commerziant AFQ.

Lura hai gì num sa famigliarisar cun l'areal da l'EMS ch'è uschè grond sco 84 piazzas da ballape: Nua è tge manaschi?



Ils 49 novs emprendists e novas emprendistas da l'EMS dal 2020.

En tgenin dals passa 100 edifizis èn ils lavuratori d'emprendissadi ed ils labors? Co sviluppescha l'EMS ils products innovativs e las soluziuns individualas per la clientella? Pertge han la segirtad e la protecziun da l'ambient emprima prioritad tar l'EMS? Ed en l'exposiziun da l'EMS bain visitada han las emprendistas ed ils emprendists emprendì d'enconuscher «l'istorgia incredibla» da 'la Ems-Chemie. *Samantha Däbritz*, emprendista maschinista AFQ, è tut intgantada: «Igl è fascinant

che blers products dal mintgadi cuntengnan material da l'EMS. Jau ma legrel da gia prest pudair producir mezza materia sintetica d'aura tecnologia da l'EMS.»

La segirezza, protecziun da la sanadad e protecziun da l'ambient

Durant la lavur sin l'areal da Domat ha la segirezza natiralmain emprima prioritad. Consequentain han ils emprendists survegnì gia l'emprim di in'introducziun detagliada en il tema

«protecziun da la sanadad e da l'ambient», han emprendì nua sin l'areal che valan tge prescripziuns da segirezza ed intervegnì ch'igl è puspè obligatoric per tut ils collavuradors, per motivs da prevenziun da corona, da purtar ina maschina. Anc avant ch'ils novs emprendists da l'EMS han emprendì d'enconuscher lur plazzas da lavur han els visità l'atgna serenera da l'EMS e pudì prender invista en l'infrastructura fitg moderna ed ecologica da l'areal da Domat.

Cun engaschi e motivaziun reussescha l'emprendissadi

Finalmain han las emprendistas ed ils emprendists da l'EMS vis lur plazzas da lavur individuals en ils manaschis, han emprendì d'enconuscher lur furmatur professiunals ed ils collegas da lavur futurs ed han pudì far lur emprimas experientschas professiunals.

L'EMS gjavischa a tut las novas emprendistas e tut ils novs emprendists bler plaschair, bun divertiment ed in emprendissadi instructiv ed interessant. «Tut il bun!»